



Broj: 11-11-2-2838/25
Datum: 03.10.2025. godine

Na osnovu člana 41. stav (1), a u vezi sa članom 45. stav (3) Zakona o unutrašnjim poslovima Federacije Bosne i Hercegovina („Službene novine Federacije BiH“ broj 81/14), člana 70. Zakona o javnim nabavkama („Službeni glasnik BiH“ br. 39/14, 59/22 i 50/24) i preporuke Komisije za provođenje konkurentskih i pregovaračkih postupaka nabavki za 2025. godinu, v.d. direktor Federalne uprave policije, d o n o s i

O D L U K U
o izboru najpovoljnijeg ponuđača u predmetu javne nabavke „Nabavka svjetlosno-zvučne signalizacije“

I.

Prihvata se prijedlog Komisije za provođenje konkurentskih i pregovaračkih postupaka nabavke, u predmetu javne nabavke „Nabavka svjetlosno-zvučne signalizacije“, te se ugovor dodjeljuje ponuđaču „Danial S“ d.o.o. Tešanj, čija cijena ponude iznosi 21.027,00 KM bez PDV-a.

II.

Odabrani ponuđač je dužan, u skladu sa tenderskom dokumentacijom, u roku od pet (5) dana dostaviti dokaze koji su traženi tenderskom dokumentacijom.

III.

Po okončanju roka za žalbu ugovorni organ će pozvati izabranog ponuđača zbog zaključivanja ugovora.

IV.

Za izvršenje odluke zadužuje se Sektor za finansije i javne nabavke.

V.

Odluka se objavljuje na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

VI.

Odluka stupa na snagu danom donošenja.

O b r a z l o ž e n j e

Federalna uprava policije je provela konkurentski postupak javne nabavke „Nabavka svjetlosno-zvučne signalizacije“, broj Obavještenja o javnoj nabavci: 1412-7-1-246-3-152/25. Javna nabavka je provedena putem konkurentskog zahtjeva za dostavljanje ponuda, a procijenjena ukupna vrijednost nabavke iznosi 21.049,03 KM bez PDV-a.

Postupak je proveden od strane Komisije za provođenje konkurentskih i pregovaračkih postupaka nabavki za 2025. godinu, broj Rješenja o imenovanju: 11-11/4-30-2-1409 od 31.12.2024. godine.

Uvidom u predmetnu dokumentaciju utvrđeno je da je od strane Komisije pravilno proveden postupak, te da je preporuka o izboru najpovoljnijeg ponuđača data u skladu sa Zakonom o javnim nabavkama i tenderskom dokumentacijom.

Na osnovu Zapisnika o ocjeni i pregledu ponuda evidentno je da je Komisija blagovremeno i pravilno izvršila otvaranje ponuda i ocjenu kvalificiranosti ponuđača, o čemu je sačinila odgovarajuće zapisnike u kojima je utvrđeno da su blagovremeno zaprimljene tri (3) ponude, i to od ponuđača „ABC SPORTING“ d.o.o. Banja Luka, „DANIAL S“ d.o.o. Tešanj i „SILVER TECH“ d.o.o. Zenica, te da nije bilo neblagovremeno zaprimljenih ponuda.

Nakon uvida u ponude, Komisija je ponude ponuđača „ABC SPORTING“ d.o.o Banja Luka i „DANIAL S“ d.o.o Tešanj ocijenila kao formalno-pravno prihvatljive, i da iste ulaze u daljnju proceduru, dok je ponuda ponuđača „SILVER TECH“ d.o.o Zenica ocijenjena kao formalno-pravno neprihvatljiva - jer ponuđač nije dostavio Izjavu o dostavljanju garancije za uredno izvršenje ugovora (iz tačke 10. tenderske dokumentacije).

S obzirom da je tenderskom dokumentacijom predviđeno provođenje e-Aukcije Komisija je aktom, broj: 11-11-2-2838/25 od 22.09.2025. godine, Sektoru za finansije i javne nabavke dostavila listu svih ponuđača, a u svrhu provođenja e-Aukcije.

Aktom Sektora za finansije i javne nabavke, broj: 19/2-11-2-2838/25 od 29.09.2025. godine, dostavljen je Izvještaj o toku i završetku e-Aukcije, te je u skladu sa kriterijumom za dodjelu ugovora (najniža cijena) i rezultatima provedene e-Aukcije Komisija dala preporuku ugovornom organu da se ugovor dodijeli ponuđaču „DANIAL S“ d.o.o. Tešanj, čija cijena ponude (nakon provedene e-Aukcije) iznosi 21.027,00 KM bez PDV-a.

Na osnovu naprijed navedenog, a u skladu sa članom 69. stav (1) tačka a) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba ugovornom organu, Federalnoj upravi policije, u roku od 5 (pet) dana od dana prijema ove Odluke.

V. D. DIREKTOR

(Načelnik SKP-a)

GLAVNI INSPEKTOR

Vahidin Mujčić

DOSTAVITI:

- Sektor za finansije i javne nabavke;
- ponuđačima;
- a/a.-

